

**Zeitschrift:** Schwyzerlüt : Zyschrif für üsi schwyzerische Mundarte

**Band:** 5-6 [i.e. 6] (1943-1944)

**Heft:** 1-2

**Artikel:** Post Tenebras Lux

**Autor:** Schenker, Manfred

**DOI:** <https://doi.org/10.5169/seals-180106>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 04.08.2025

**ETH-Bibliothek Zürich, E-Periodica, <https://www.e-periodica.ch>**


mit heißen Öuglene, u süsch niemer derwyl het umz'luege, erwütschen i's an en Arvel u brönnen ihm eis uuf.“

„M“, macht ds Caroline.

„Ja nu, i säge der's jitz grad alls, wi's gangen isch. Es het mer eis zwickt, aber i ha ja wohl gmerkt, daß ihm das Müntshi nid so leid gsi isch. Item, am Abe hei mer du nes paar gha mitenand im Corps de Gardes. — A der Heueten und im Läset het me geng dert inne dörfe tanze. — Wyters isch nüt gange. Aber ds morndrisch het mi der Alt i sys Cabinet befole. Er het mit Schyn vo der Tärrassen uus dem Heuet uf der töife Matte zuegluegt gha. „Dis donc, Pierre“, macht er, „cette Ginette Roulier, elle serait bien une femme pour toi. Si cela te convient, on pourrait l'arranger, mais gare à toi! Si tu te permets des choses inconvenables; je te mettrai à la porte.“ Es isch du usecho, daß er scho lang es Oug uf is gha het. Ja du myn Gott, es wunderet mi nüt, es sy Fänschter gnue am Schloß. Item, i han ihm emel du versproche, er soll ekei Verdruß ha mit mer. Aber daß grad är gseit het: „Ce serait une femme pour toi“, das het mi nid übel i d'Sätz bracht. I ha ne du no gfragt, wi de das wär, öb i by-n ihm dörfti blybe, wenn i härateti. Und är seit no ja, emel wenn i die nähmti, wohl.

Rudolf von Tavel.

Us: „Veteranezyt“, Verlag A. Francke AG., Bärn.



Stadtmaure vo Gänf (XVI. Jh.) Südsite

### Post Tenebras Lux.

Rot und gäl glänzt s Gämfer Woppe.  
Mit em Schlüssel und em Aar  
Mahnts üs a n ehrwürd'gi Zyte,  
A di muetig Bürgerschar,

Wo n im graue Mittelalter  
Gäge jedi Tyrannei  
Iri heilge Rächt verteidigt  
Het, und sider eister frei

Blibe n isch, wi säbi Schwyzer,  
Wo n im Vierwaldstätterland  
Gäge Vögt und bösi Fürschte  
Gfochte hend mit Härz und Hand.

Grad eso hend d Gämfer welle  
Ufrächt blybe n oni Reu,  
Alle Mächt hend s widerstande,  
Gott und au sich sälber treu.

Keni Opfer hend si gschoche,  
Lieber arm hend s welle sy,  
As de Rügge n einisch z böige  
Vor de Herretyranny.

D Vorort hend si nidergschrisse,  
Ticki Mure hend si pout,  
Tag und Nacht sind s Wacht do gstande,  
Hend kem böse Nochber trout.

Under Calvins geischtigem Szepter  
Sind si zämegstande chäch,  
Aller Wält hend s Trutz do potte,  
Hend si gwehret strub und zäch.

Bis i säler tunkle Nacht do  
De Savoyer schlau und wild  
Syni Chrieger het lo chräsme  
D Leitere n ufe, as wi z Chilt.

Aber oha ! D Gämfer Liebsti  
Het si andersch do ufgnô :  
Schimpf und Schand hend s chönne n  
Und hend wider müeße go. [ärnte

Sider het de Gämfer Adler  
Syni Fäcke wyt usgspannt,  
Het e freie Staatsgedanke  
Umetreit vo Land zu Land.

Wi n es Liecht mit helle Strahle  
Lüchtet dur e tankli Nacht,  
So het s Bispil vo de Gämfer  
Über vili Seele gwacht.

Und us alle Herreländer  
Sind si härezströme cho  
Di Verfolgte n und Verbandte,  
Gämf het si i d Arm do gno.

Und wo gar d Patrizier Herre  
S Volch hend welle chnächte scho,  
Isch e große Gämfer Dänker,  
Rousseau, us em vürecho.

Dä het vo de Mönscherächte  
D Fahne muetig umegschwänkt,  
As me hüt i n alle Länder  
Überall no a n en tänt.

Und wenn jetz im Völkerringe  
D Mönschheit lydet und sich schlot,  
Bringt es enzigs Zeiche n immer  
D Fridesbotschaft i de Not.

S isch es Chrüz vo roter Syde  
Ufeme schneewyße Fäld ;  
Mönscheliebi und Verbarme  
Predigt es de ganze Wält.

Dorum, Gämf, bisch du s Wahrzeiche,  
Bisch de Sitz vom Völkerbund.  
U s isch wohr: Wenn d Völcher ei-  
Nid versinke wend im Schlund [nisch

Vo der ebige Verdammnis,  
Müend si sich zu Schutz und Trutz  
Zämetue, enander lieb ha,  
Säge: POST TENEBRAS LUX.

Manfred Schenker.

